

讀白華草堂詩首蓂集

讀白華草堂詩

苜蓿集卷四

庚子

鎮平 黃釗 穀生

微官

統統鼓徐轉幢幢燈驟明獨眠尤吹夢共宿鳥言情老
境思將息微官託太平帳中排警枕壽海有公卿

蔣稻翁以舊

鐵印章見貽賦謝印方廣七分高五分環紐黝漆

其面中篆
鐵儂二字

我生本具儂稍長如旋粵於名寓吉金於字取秀鐵自
惟南方強冶鍛主剛克誰知頑乎頑孰問屈不屈行年

五十四剛腸漫縈結聞歌悵懊儂輒被柔情熨狂者顧
如是狷者當不屑丈人獨好我道義等膠漆元金久藏
積質完享不減歡然脫手贈云此爲我設當時鑄錯人
祇許有惜愧豈知兩字刻巧令一人掇儂今似苗官受
印謹齋藏鎮水伏蛟龍行山制慘慙再拜謝丈人頑鈍
等儂拙

潮陽宦績錄樂府五首

市皮令

美宋潮陽令鄭敦義也鄭滇陽人

市牛皮奉朝旨青苗根蔓延此官言牛善耕農倚牛如
子千生剝盡農何恃上書奏罷市皮令爲牛請命民請

命我作詩歌紀善政官爲鄭渙陽事在宋紹聖

錠頭錢

美宋潮陽令陳景魏也

解丁銀例增耗錠頭錢取非暴官革弊吏被械此令之
罪非吏罪令被不職令當罷何敢貽民無窮害守不能
奪尋釋吏宋紹定間傳此事令永春人陳景魏

監司怒

美明潮陽令宋元翰也宋莆田人

監司怒令供張宋元翰大無狀昭昭天日大忠在上元
翰不敢貪元翰不敢枉侯被逮民號泣曾鉅頭亦就繫
不忍證侯獄侯枉卒得白侯遺愛民思之均歲役澤無

涯今影碑昔專祠

今影碑在北郭荒煙蔓草間石亭覆之

世忠亭

美明潮陽尉孫如法也孫餘姚人

忠烈曾孫文恪孫清簡長子官西垣皇儲未定貴寵溢
小臣昧死再拜言直言一鳴竟忤旨謫注潮陽一典史
僦居民舍似東坡此間可少翟夫子有亭翼然美世忠
丸丸松栢東山東鳴呼前賢如可作踵至尚有羅公廓
大絃

廸功碑

美明潮陽丞黃時春也黃平和人
明神宗初年撫寇海上死

廸功郎邑丞耳招撫賊海上死廸功死不惜廸功在賊
中賊氛不復逼全城安一丞危東山講院留影碑黃公
時春偉鬚眉豈但南八稱男兒

講院東
卽雙廟

書堂邀集榕瓢餞春作

櫻桃纔熟筍初肥
海市朝來趁蛤蜊
我有叢書君有酒
不應閒過餞春時

道人善造窳尊釀

書堂自號窳道人

居士粗絃鐵板詞
簇得東

風行色壯珊瑚收
盡木棉枝

莊貞姑詩

貞姑潮陽勝前鄉
舉人莊隆姑母父母兄嫂俱
逝遺隆三歲姑擇吉于歸
親迎到門隆牽衣號
哭不止姑毅然解粧割髮
歸夫以示志決撫隆
如子後隆登鄉薦姑已老
將終囑隆曰余死題

墓曰勝前鄉莊貞女之墓余願足矣隆明成化

庚子科舉人

勝前鄉綵輿迓莊氏女今日嫁

解一

莊氏女命何苦無兄

無嫂無母無父今日嫁至夫所生男育女莊氏女嫁今

有主

解二

莊氏女今日嫁正粧束三歲姪牽衣哭啼不捨

莊氏女妝遽卸今日莊氏女不嫁

解三

媒錯愕莊氏女遽

截髮謂媒妁好語壻家別議婚莫來托

解四

勝前鄉綵輿

迴無鼓樂無新人沿村婦孺駭且哈

解五

莊氏女不嫁看

三歲姪隆成人勝前鄉十數村看迎秀才迎舉子看拜

姑婆啞啞笑言垂肩髮白於銀

解六

勝前鄉今嫁娶說貞

姑尚有墓

七解

謝氏一門孝烈詩

潮陽王路鄉郡文學謝士英妻李氏邑文學名
選之母也謝世居王路鄉避亂遷居揭陽城中
順治三年土寇陷城英與二幼子相失李氏抱
石自沉名選尋獲拯之傾水得甦遇賊叱棄選
泣爭悉被執李氏竟與其女純玉并選妻陳氏
共繫一所是日遂與嫗及女亟謀潔身計乘賊
出卽引繩自經賊覺斷繩救時選妻已斃母李
氏雖微息未盡宛其死矣惟純玉尚生切齒嚼

舌賊取筋啟牙嚙愈急死焉因命選負屍出城
下選枕屍大慟且罵賊怒殺之越日李氏絕而
復甦乃匍匐藏身破屋中會有丐媼憐而分食
之又遇舊乳媼扶登舟旋王路別賊聞之竟義
釋其次子上選因以身贖父歸方名選妻陳氏
與純玉積屍城下屍頸繫繩收視時顏色如初
母抱石自投水不死終當拚一死媼寒冰女純玉被
焚如冰被斫母得甦兒被戕兒魂不散隨孃行孃離破
屋孃登舟兒魂隨孃在中流中流照見冰玉潔一掌春
波皴碧血

哀石榴

烈女石榴失姓氏入潮陽惡豪某爲婢性貞靜
簡默舉止端莊頗識字似非厮賤者流及長有
姿色惡遂居爲奇貨邑前溪多蠶戶船有嫗省
其事購以多金惡貪利與之女跪泣曰婢雖賤
亦良家女安可爲娼以辱父母且侍役年深幸
無大過願憐而赦之他適唯命惡不聽女含淚
起曰人生百年一死今若此曷以生爲得間投
井死越日出其尸面容不改是可恨已

石榴花紅炬火石榴房紅粧鎖而惡人乃婢我婢我我

不怒媚我我肯汗出井啟戶容不改青鳥飛來約填海

弔菊娘

菊娘潮陽陳謙女也年十二許字萬阿益未結
褵而益病篤女聞之終日不食翼晨訃至其母
倉皇趨視比歸女已自縊猶正襟端坐時康熙
六十年辛丑七月五日也

菊有華標正色菊有香表靖節女何人出於陳字菊娘
豈花神菊尚稱得霜信朝廢餐夕遽隕時康熙運甲周
金颺至正初秋

弔姚薺雲

霽雲潮陽諸生性嗜學工書法甲申聞變號泣

盡哀不食數日赴和平橋投水死

石齋

黃忠端公道周

石齋

黃義士安見潮陽志

同一死霽雲

南將軍

霽雲並

男子共時異代各殉名一領青衿抵青史工書嗜學名

諸生此生何止賢有聲懷沙節重蹈海輕東山祠宇皆

忠貞

雙廟三忠祠皆在東山

南將軍許與汝盟嗚呼南將軍許與

汝盟文山招汝來和平

文信國嘗駐師和平

晝堂積酒病滿余以川朴貽之賦詩見謝依韻奉

答

太白夙耽酒鑑杓託生死維摩偶示疾旃檀代芎芷酒

經有万書醉鄉無蒿里藥傾鼎三足醴設尊兩耳濁能
破窮愁清亦助名理當夏腸易枯何患腹生痞况茲品
德醇絕少疵瑕指觴政每當筵酒軍試摩壘一斗限詩
城二罰告禮已居然劑從酌不謂符可恃亭亭卓芙蓉
采采歌芣苢藥物同所須適用各專美終年酣麴蘖未
免積泥滓葛翁爾能治來詩有卓然自成
家當署抱朴子語枚叔病當起
佐使有君臣持歸得兄弟用北史魏臨
淮王孫事飲少反困人蓄
多恐防已消之屏肉譜下之等軀史鐵像媿藥師竅尊
勝椰子

竅道人只摩青山圖

畫堂別號
情竅庵主

赤城丹穴稽圖經
光明界敞琉璃屏
大千色豈盡着黛
自是道人天眼青

以色見山失山性
更於何處見如來
我行天下一芒屨
見清淨身無片苔

團扇曲

扇畫美人手拈水湄一枝
斜倚月窗窺道人屬題

寒珍體冷晶腸熱
六月歐絲浣霜雪
含愁羞學孔壁窺
合歡熨得齊紈潔
殺粉調鉛周昉能
圖成仕女上圓冰
半藏餘雪春含顰
斜鞦鴉雲檻敞菱
睡餘酒困醒時候
花壓欄杆憶春暈
碧宇秋澄兔魄肥
玉容未較黃花瘦
金魚鎖開霏古塵
綠房霰落鴛鴦茵
碧奈自成銀杏果

赤棠單認木蘭身當年翠羽迴嬌夢夢着綈衣騎白鳳
梅花憐汝幾生修一點櫻唇鐵笛弄醪醕春去怯輕寒
齒冷年時李易安愁翻碁局談新劫笑覆茶甌憶墜歡
佛前不叩微蘭信微笑拈花素心印金粟如來識淨因
薌林居士聯芳訊長庚嬌女字平陽可是圖中姊妹行
靈根不比桃花命秋染鵝黃淺淡粧廣寒自結西河社
竊藥休愁素娥寡前身明月伴寒簧舞地歌場敢描寫
懷中寵愛掌中珍製就團圓配雪筠芳名合是無瑕玉
投向崑山對策人

贈蔣稻翁

仙胎白鶴孚道氣，可霞養冬心。孩抱暖春意，和神盡翁。
非煙火人挂籍清虛榜，當年太乙舟汎海鷗衝。漿幕中
紅蓮花閣下，青藜以飄飄銀拂，頤瑩瑩珠入掌。我慚見
道晚近有出塵想，似聞深衣制，褰幅肖羽，擎當無羨比。
阮好與事南蔣。

贈胡龜公

我嘗栖鐵龕，自署香無隱。榕瓢一道人，與我共喉吻。謂
詩可以鳴，謂酒無庸謹。肝腸早透露，筆札見底蘊。有時
一言善，持斗相視听。道人每賜予，必用玉斗。窮儒多騷懷，狂客有
孤憤。風雨共團焦，毋亦性相近。我雖儉，首藉君尚富。葵

董醉來且參禪鶴糞白於粉

榕縣前大榕多巢海鶴遺糞滿壁

自潮陽挈眷回里途中作

全家小航海一葦往來經鶴起
棉洋白龍眠艸與青郎官虛列宿
織女實明星笑說瀛洲眷煙中汎渺冥

竹炤隄邊路連朝江漲來裝輕過關
易官小護船猜

李燕

軒太守命巡船送至珠坑雨後蝦鬚捲風前蜨翅開
江潭明夜火滾

滾黑雲堆

重霧抑何頑沈雷亦近蠻不時行雨水終日走雲山百

里方開霽千帆盡破顏推窓窺濕翠聽汝畫眉閒

野色團青竹江痕界白沙午炊飯蓮稻晨路入桃花墟

名

子婦同翔雁翁孫共哺鴉劉安誇拔宅未必勝浮家
昨夜九龍宿開帆曉色迷連峯排鐵嶠衆瀑滙銀溪破
碛船奔馬分風水劈犀灘聲聽尚遠已見日平西

萬笏插天青奔濤走悍霆豕羊星使肅圭幣水官靈古
木空祠翳層潭止水渟溪毛吾欲薦擷取藻繫馨

醒眠一枝塔離支萬本繁飽餐應計口摘買欲論園露
葉誇新採霞綃認舊痕老饕珍寵甚賜浴有金盆

蓬背收風竹船頭息浪花陂平九嶺渡河轉八輪車百
里纔紆道三年記別家鐵耕樓上望山翠蒨朝霞

題江次舟

楫才

北遊前後稿時同舟赴羊城

津梁疲後讀君詩重檢征衣認素緇我輩功名詎科第
人生行役念房帷三千碌碌誰如遂五十髣髴各有髭
今日同舟昔同舍

先後肄業國子監

輪蹄况味漫尋思

戴醇士學使以所著訪粵集見示奉題三首

牛女騰光傍斗魁前身奎宿本仙才玉京榜後瓊樓按
親向銀河洗筆來

夔州豪健柳州奇逆作仙雲高妙姿寫到秦中新樂府
溺人苦海拯癡兒

硯材蒐盡比珊瑚不信潛淵尚有珠
我自鑄金人勒石
詩心宦跡兩冰壺

八月十九日同張南山太守家香石監簿蓉石比
部陪醇士學使遊白雲寺集雲泉山館

駕輦海浴日馭龍山浴雲仙官屏儀從晨訪雲中君披
絲擁宿霧坼縫來朝曛炎万艸木蕃火斂當秋分紅織
出青松林容借微醺當年安期生蒲醪酌靈芬仙官近
不飲此語生應聞

飛霞間碧虛雲泉出其右栖隱招桂父彈碁邀橘叟揭
來散巾幘相與敞松牖泉聲詩竅鳴雲氣畫胎受耳目
洞予關主客挾談藪斯文得所依此會應非偶低徊南
雅堂倘繼南園後

硯齋聯吟圖爲家蓉石比部葉潤臣孝廉題

同岑苔訂石友交擊鉢詩並金聲敲文章氣誼遽得此

性命之樂如同胞我昔書向史館鈔鸛之鵠之紛來巢

二子與我亦漆膠當時異寶各快睹

蔡石所藏東坡硯潤臣所藏汪端明

贈文信國硯余皆獲觀並有題詠

天水一碧侵堂坳我今樗散等繫匏

草元孰解揚雄嘲一硯冷比孝肅包空檐花落屋蓋茅

聯吟詎有彌與郊二子樂矣忍棄拋笙簫合奏同管簞

宜南呵凍憶題硯

余詠兩硯時客京邸並值歲暮

雙鵲正噪梅花梢

八月廿八日張南山邀同馮虞階太僕

贊勳家香

石蓉石譚玉生明經

登

遊花埭東園移舟至南墅

集飲卽事六首

十載經花埭重來感風游風騷巾舄換門徑薜蘿秋我
輩餘青眼名卿尚黑頭蒲帆看上下閒泛有扁舟

曲折東園路剛容快艇過到橋花市集入港藕田多宦
跡高黃鵠潮聲長白鵝當時聽松舍喬木近如何

池上驚龍影

南山遊桂林摩崖書龍影二字石捐懸壁間

亭中仰鶴聲

楹帖爲馮

魚山書聲華日下荀鳴鶴句

小留忘世味大隱悔時名金石緣從結

林泉福自清西風季鷹約款客話蓴羹

移榼來南墅巖巒點綴工文魚能飲綠夷鳥解吟紅連
理樛身合波羅蜜指通炎洲饒果木何止海珠叢

屋潤暉含玉園寬勢拓金圖書富春氣池館澹秋陰涼
雨初加幘微風且散襟翻疑來日下不道此山林

落日廻船好寒濤出萬松鷗盟團浪跡龍氣逐雲蹤舊

夢三神島閒談五老峯

南山曾攝南康太守

歸來坐詩舫金碧記

重重

九月十七日同張茶農大令

深

家香石蓉石學海

堂雅集

一徑筍輿上紛敷蘭桂叢林巒堆晚翠亭館綴秋紅天
影畫邊蟹海聲絃外鴻眼前浩蕩意都在玉壺中

四十萬匹馬張公歎賞殊

時茶農分校鄉閭甫撤棘

當時養筋骨比

地闢榛蕪花木敬開府雲煙娛老夫峴山今健在片石

已爭摹

堂有芸臺扣
國石刻像

輓羅子馨太守

禮蘭子馨由兵馬司正指揮驛
遷至刑部員外郎監督倉差京察

一等簡放安徽鳳陽府知
府水底任卒年僅四十一

君交我以禮爲羅不負名稱意足多蘊藉宛如蘭有素
深洞折到水無波二十石外非難致四十年中竟易過
遺恨當時早孤露不教里老看鳴珂

余自出國門其明年卽聞鶴田凶問今歲夏秋疊
得四農子穀噩耗臨風一痛幾於哭不成聲率成
二詩以志哀感

摧我青田鶴悲鳴已足傷如何老騏驎又見踣山陽復
古當顏俗古爰值亢陽東南間名宿洒泣對蒼茫

何子尤堪痛同羣比脊令忍心無尺素

余出國門後未
得子毅一紙書

至性有丹青游藝皆千古修文定六經箇牀久冷落底
處去吹笙

送孫小鄉大令假旋

江北雪花飛君今九月歸出山非艸艸思樹各依依此
去藥休種重來芝或肥美言如菽粟吾道不愁飢

尚有柴桑客

陶柳村
判牧

歸當銜恤時同舟傷骨肉

小鄉柳
村宦粵

數年眷口皆有損
折約移樽同行

共命少膏脂

兩君皆坐
素蕭然

公等皆賢達

古儕忍別離山車須早返隴畝盼瓜期

故太常少卿許公輓詩

臺閣擅鴻文維公推大筆昌黎宰相書肯爲門下屈自
從服獬冠執法靜而一中外見風采直溫復寬栗當年

坐臯比弟子多入室賁隅入桂林絳帳香流溢

公常主講粵秀

書

院栽栽大宗師復拱烏臺柏

權廣東臬使時兼攝學政

粵人思夫子

圖像到巾舄還

朝荷

王知坐位副槐棘憂時上封

事不意時勢格漏卮塞旣難破甑顧何益臣心矢無他
夷情竟難測私誼慨升沈公論孰得失我嘗讀是疏對
案三歎息於戲有道俾夫子無媿色

故江西布政使座主花公輓詩

喘牛政有關仗馬恥不鳴兩疏劾宰相四海播直聲一
麾出守去花滿錦官城 今上龍飛初 召見荷寵榮
謂當始至終保全節與名從此淳鼎司肅綱審權衡人
言包孝肅笑比黃河清自詡顯封人有母嘗君羹嗚呼
古偉人純孝兼忠貞緊劍少受知恩遇同所生夫子已
有後館閣聯蜚英劍爲去聲朝野望痛此梁水傾迢迢阻
嶺路無由見銘旌星從南斗隕水自西江縈

贈太子少保戶部尚書座主何文安公輓詩

醇醇周元公性理見醇粹吾師起道州紹此出經濟溯

自通籍來儒林有公議祭酒實人師京尹本大吏自非
學識純奚以歸簡易觥觥大司農體國綜會計年時水
衡錢出入互酌劑尚書領度支用取節以制我朝重
易名禮官謹冊諡夫子號文安哀榮極遭際繫劍廁門
墻風月浴光霽夫子實友恭白首敬弗替怡怡兄弟情
坦坦公卿位俎豆足千秋私恩且收涕

嶽屏秋雨圖冊許明經

炳章作

我家寄嶽雲涼色安九夏釀雨入秋屏濕鐘飛不下

家磬石比部以杭州所得閨秀汪琬雲手臨佛遺
教經洛神賦冊屬題爲賦四詩

色香不損味增長寶字追摹妙吉祥參到臨池精進力
婆羅樹底禮蜂王

散花手腕妙簪花衍到琅琊尚一家合與官奴搜舊榻
十三行並瑤苔華

我佛慈悲淨有因真如媚麗鞞無塵西湖別了來南海
婆律香中現美人

摩圍珍惜意何如錦贖函來當寶書髣髴精靈還住世
明璫翠羽魏黃初

許菊存

洛

以尊甫藏之丈洛溪書屋圖屬題爲賦

四詩

鹽官一水達由拳家具移來葛稚川珍重樽罍並圖譜
世臣喬水故依然

某邱某水紀童時難忘歌斯與哭斯千百年來稱祖烈
陰陰松柏護唐碑

薜荔芙蓉詩思饒寓公門巷不蕭條買山貲短草堂舊
夢裏往還丁卯橋

想見高風孝義敦乾嘉諸老笑言溫卷中梁山舟蔡穀山郭頻伽諸叟皆
有題我觀煙墨猶生敬況是維桑屬子孫

倭芙蓉行寄魯輿總督閩浙

淡巴菰產中國容非種復有倭芙蓉方今此物比鴆毒

漫言藥籠儲飛龍生有自來絕非易以人爲鑑將母同
女間香草亦鉤吻桑門永上非種種三代以還六朝繼
垂咎沙汰皆無功我 朝拓地盡西域葡萄苜蓿歸春

農武成遠邁漢唐宋陋彼歲幣甘和戎釋言無漏亦有
漏漏卮乃在東洋東公卿建議王塞罅謂當斬刈藜蒿
蓬芻蕘有議敢輕上若行鈔幣夷當窮鴉泥奇貨易蘭

紙彼復奚利來相從嗚呼墻隙已先壞補苴計亦非良

工沙鷗

服役夷人者
罪浮於漢奸

污賤集樓觀水鷗水師將弁鴉泥
白銀出入皆其

包送來去飛艤燿繻裯不戒漏安塞坐令宵旰勞 九重

君家開府已三世舊德可述 新恩隆花明五嶺擁旌

節粵海況與閩洋通 天子命卿掌九寺理安遠至銷
狼烽天生此物等瘡痍君能醫國先疲癯二年艾且起
民病一寸葵許紆臣衷飲和食德聽歌頌 老根有足吾
殮褒

簡蔡春帆編修

錦泉

氣節文章詎讓人其沉久已息貪瞋炯藩向是賓師位
春帆人直上書房爲忘卿師傳蘭澤終非放廢身燈火湖心閑講舍
湖書院風沙浦口征征輪 君且爲蒼生起莫憐龍江
舊釣絲

寄駱篋明侍御同年

昔舊集

卷四

七

扶輪巨手借車輪
眼看詞臣作直臣
寵有褒岑遲補益
鄉多寶玉遠遺貧
日中市易 朝廷體天下安危諫諍
身小草在山無遠志祇憂踐徑塞荆榛

感事一首寄呈呂卓如京兆同年

剪燭深談記昔時
別來勞事屢遷移
蕭曹吏少煩司計
稷卨人多效拾遺
窮海瘡痍同剜肉
空山虎豹自留皮
如君早繫蒼生望
國脉滋培仗國醫

贈蕭欒軒

思諱

并題其誼閣吟稿

之子早孤露其詩
循古風果真回味好
踞與飲醇同質
庶安花竹開門辦
莊菰都無在曉
嵩高曠邁梁鴻

才名齊阮瑀至性匹丁蘭重柳人問世波濤海外棺禮
尊甫宦歿海南櫓軒渡 吟情成刻苦吟量長敦寬誼闊
海扶槐歸年尚髫齡 談心夜猶堪結古懽

題西神山詩鈔

山人丁姓字采二
名玉藻梁谿人

見慣蘿浮四百峰石樓雲氣鐵橋松西神山似古鐘鼎
天外飛來蒼翠濃

舌強背姤奚指數痛哭流涕皆心聲三柳居士老眸子

炯炯九原幾燭明

劉三山華東題西神山詩卷云
十數年而不雄踞壇坫請將三柳

士老眸子
子扶步

題唐子畏畫秋窗讀易圖

商飈捲作山泉響以易箠之得蒙養艸元亭上非童烏

安居宛有大人象引光奴子傍經函

圖一髮餘展讀一小僅携持案前

窗外秋聲動靜參分明欄葉林間足獨向新花塢裏龕

廣州昭休典堂同年

典堂在廣州遵義大街法三讀歸里

與君作近別乃有燕東門臨歧寄語玉四字鏤朱文曰

人生一樂以君父母存別來聽消息五馬導熊幡憶君

人翰林間歲卽改官亦縣易青頂堂參換朝班人或以爲

君惜我乃爲君惜君自歎爲言賦奚足論三年果報

政並濟兼感恩恩以喚黔黎威以驚蠻番至今軍司馬

猶是邊屯司馬昔入 觀歲值青羊神時維十月望

碧天挂銀盆
宜南菊圃開
圍屏設長筵
接滕昵車子撥
指彈鳥孫何家
大小山筆硯和琴樽
生平此樂最荀令
香從薰君旋自京國驟
擢黃堂尊村苗競買犢
墟長爭散豚風移禮讓
美俗勸農桑敦令名貽
父母如是皆我聞一別
近五載相逢話悲辛
大雲佛寺冷小雪仙城
溫青檀我檮宦素冠君
棘人丁卯齊年輩同門
誼尤親余與典堂同出四川中
江蹇廉山師房百年幾
回聚出處同參辰與君
乃數見得謂非緣因友
朋有氣誼仕宦有本原
政成德已立君無慚五
倫初服未許返再起當
益振吁嗟黃金印斗大
未足珍從看紀史傳子
孝臣貞純

自廣州抵老龍舟中雜成十二首

挂帆發胥口煙雨朝模糊追送者誰子着屐來老漁蒼
頭荷彘肩一笑兼釣屠我相似食肉醉鄉侯可圖

小別立斯須揮手謝酬答扁舟棄去潮略辨虎門塔煙
中鸛鵝聲聞與波濤合微聞榜人語鳴沙未可納

烏鬼習雁奴白人冒魚妾洶洶磨刀洋四出帆如葉我
舟涉石灘潮田聚花鴨石羊遠迴頭石龍近穿脇

風厲日光弱江寒山熊縮舵轉北而南借此帆一幅逆
來且順受亦見浪花蹴我程任速遲語汝平爲福

月交未全節小春氣晴和冬山已睡足遠翠橫修蛾鯉

魚入網來佐我金叵羅食色本天性天公諒無苛

川原多畏途荒堠仗巡警前宵傍蘇村今夕對小嶺星
斗亦戒嚴推篷若坐井明月萬梅花夢出羅陽境

遠樹澹如煙近樹濃於墨平沙落雁驚漁舟枕其側牧
童去何之蔗畦覓促織牛知厲禁嚴蔗葉齟不得

鹽丁如羊很舟子比鷺傲是官卽非私徑過頭不掉紛
紛擾行旅愚懦無所告非關亦封泥於是多晉盜

連平一小河源乃出九連熊生

明總督
熊文燦

何足數偉哉王

伯安故人

顏魯興
制軍

白雲舍終制已出山生平結髮語志

士爲其難

沼吳范大夫舸載美婦人開越陸大夫廷屈老夫臣二
子信才智數見不鮮新千金旦暮致吾將泛湖濱

北江氣深秀東江氣清曠一尉與一候化石屹相抗

峽亦有石人
似將軍者

五嶺伏莽徒冒死爲煙瘴射虎與斬蛟正

待此飛將

樓閣連闌闌坐騎老龍脊擎舟向龍腹沙際水纔尺舍
舟而行陸斷岸轉石壁回首晚霞明燒空魚尾赤

里中諸故人詩

邑里故人多矣十君者非徒以舊交故蓋皆齒
長於予或齒與余若而余詩中所未見者舟中

憶及爰系次之

燕人謳遍魏人思荆楚人歌大父慈最是夕陽無限好
東山還有未收基

邱大令贊

海外風波不可言但憑忠信任騰翻卅年頓挫頭顱在

豪氣雖除正氣存

吳茂才代言

垂老閒情不自聊秦甥徐贅偶相招西行未作驂鸞想
跳月閒看蹴足苗

陳茂才士蓮

萬里黔遊不紀程封胡果否有循聲縣齋別後應相憶

白首明經對短檠

鍾明經鎮

里中左氏

秋浦師

擅春秋三載相携負笈遊羨汝膠庠今

有子過庭詩早受浮邱古明經昭華

聞派初從李琛傳騎羊圖我作神仙早知老蚌珠胎厚
不使人間造孽錢賴上舍昭

豪俠差同杜季良生平孝友足相當廿年前事從回首

曾醉鑪頭卓女傍楊上舍衍

山居讀書忽不樂出門一笑腰鹿盧兩年足跡半天下
黔蜀燕齊荆粵吳張明經耀南

詩雜仙心亦道心一函書對一張琴談子祇有窗鷄識

且借僧房演五禽曾茂才守一

歷盡關津轉仕途可知堂廡勝江湖天教咫尺鄰鄉土

墓樹親封百十株

鍾少府櫟

自白馬潭轉桂沙至青溪山廻水抱明禱澄瑩口

占二首

夕靄朝霏重復重圓沙曲曲水弓弓三冬天氣比春暖
濃黛深螺娛老翁

河東河西樵渡迴青谿迴抱桂沙開老夫塵面三朝洗
白馬潭邊曾鏡來

密州夜泊

冬月初
五夜

水影嫋如許月光嬌可憐蜚吟遣冬夜雁宿當去聲春天
守堠微懸火征衣欲卸疎寒沙覺清淺有夢到林邊

嘉慶己巳余初北上置一哈拉套袍四十年中船
板車箱未離片刻今暫敝矣念其相從久而得力
最不能無詩以勞之因成四首

當^上聲風逾狐裘禦雨勝駢褐相依垂卅年眠坐等鬪甌
船脣馬背間得無挫毫末主人尚奔走消磨剩皮骨毫
末挫何傷蟬蛸乃掘閱

奴僕屢更換獨汝苦相守安樂且須與憂患獨長久當
年簸箕潭險入飢蛟口斯時吾與爾敢望正邱首招魂
備衣冠笑汝亦何有

汝曾入質庫相離未逾年我歸贖汝歸同泛鄱湖船六

月尚披裘汝豈能舍旃廬山飛白雲披汝豈從肩贖汝
勝贖琴琴猶可無絃

與我周旋久奚以酬汝勞除夕當祭詩酌汝同濁醪黑
貂與蒼鹿功詎如汝高在筭受上賞竊比良弓散行當
聘代汝或曳大布袍

魚頭灘至將軍硤

粼粼魚頭灘巖巖豬頭石水從遶運來山亦彎環出深
潭界淺沙堠牌頂塔筆奎閣宵摘星危檐午曝日斫蔗
高丁頭打禾半山脊將軍甲帶鐔美女衣衷袒雙扉石
露牝一傘鬼藏骨

土丁傍有鐘威枯骨未葬以傘覆之

人誰老是鄉魅或

棲此窟草偃虎生風波動龍吹沫林冬初染黃洞春久
攢碧行當聘倪鎮徑自呼米糲

還家視王兒改葬

孝子天偏奪難禁老淚流長松當夏折短草不春留爾
在非豚犬吾生歎馬牛無由寬隱痛行爲乞銘幽

時郵書至

閩乞顏魯輿制軍銘墓

歲暮回潮陽學舍

戶自蠨蛸掃階無蛺蝶飛一官何落落雙犬尚依依架

惜蒼薇弱園欣苜蓿肥對牀兄弟盡猶子忍相違

時魁士勉

緒隨至學舍

聞顏稭陵太守權江南巡鹽觀察寄簡

稭陵由內閣中書從

威勇公相經畧西陲旋入直軍機蒞陞侍讀出守卽權觀察使

爭坐位傳開府帖平淮碑紀相公勲由來東閣參謨畫

況復西陲拓見聞江上自巡飛雪將海邊方整水犀軍

時嘆夷不靖

建牙吹角卿家慣好罄丹忱荅聖君

讀白華草堂詩

苜蓿集卷五

辛丑

鎮平

黃釗

穀生

清明日同晝堂作

百五韶光蝶夢闌，尋常花片已飛殘。
海邊春遠紅棉熱，地下人多碧草寒。
我爲粥餠憐節序，君甯兒女擾心肝。
眼前薄醉仍堪共，同坐團焦說餅團。

晝堂邀食餅

陝西布政使楊公輓詩

公名振麟，由刑部郎入直樞，近出守潮州，升嶺東觀察。使余時在署課諸公子，讀凡五年，連州

八排猺叛公以廉訪隨經略勦撫帖平之軍中
染瘴瘡甚請假起任中州廉訪擢陝西布政使
積勞咯血乞病歸猶封緘寄白金百兩俾余佐
薪水之費甫得書而聞公薨感知已於生平歎
老成之凋謝愴成一律以寄哀輓

飼鶴餘糧遠寄分駕蚪醢赴近傳聞乾嘉此日風流盡
嶺海當年霧瘴熏二陝坐棠思布政八排散粟紀垂勲
九原可作公誰與出處超然晉右軍

次韻和晝堂破曉枕上聞雷作

春茶應未摘殷起動昆蟲閣坐藏山雨船行出海風舊

城魚解困新壘燕成功幾日詩爭就知君酒不空

齋中坐雨作

春水量浮鷗春山隱喚鳩官民生綠幸兒女落紅愁茶
焙今朝竈香銷隔歲篝沉雷能破悶閒抵足音幽

以香蘭二枝貽晝堂時方納姬晝堂來詩戲及用
韻奉答

冷齋聘海棠梅花聯戚畹

余齋名聘
海棠屋

老夫房不空思君

室是遠方牀夢蝶甜側紙小鹿遣湘澧雙美人昨令通
繾綣喜君道氣清晒我淨緣淺含睇入紗幮宜笑侍玉
瑱靈根得所天福厚命不蹇君乃謝殷勤我覺增媿赧

年來饜糟糠那復嘗禁饑偶然啖荔支肌玉剥紅繭翁
乎一觴詠輒復著姝變陳傅良詩翁乎一服媚安敢希
匿笑或不免蜂忙老子狂燕闌小子狷騷懷自三閭微
詞生九辯君詩如光風愛向蕙叢轉同心托朋儔稱意
宜老伴無嫌松桂寒兼擁桑榆暖

晝堂復以姬操土音見調依韻答之

取醉有酒徒談予有道侶云何種閑情勞此小山斧王
人已白髮紅裙宜俗女梅舜俞詩俗女紅裙無好色王人白髮自侵頭體既采
葑菲服適稱荆苧居然小婦行料亦老妻許鸛鵲新來
巢未解譯人語浹辰舌漸柔輒復相爾汝執爨役素嫺

魚鼓善調處舍熊而取魚

潮俗喜食魚蝦

魚鼈亦勝烹語言與

嗜慾次第行可舉君毋騁機鋒一再奮筆距涼風動刀
尺朗月響砧杵添香印紅心烹茶汎碧乳煩君畫篋開
付我詩囊貯

苦雨二首

洗兵同所願坐困轉沉緜銀字從蝸睡泥封逼蟻遷連
營星盡隱增竈火難然瘴海雲重蔽何人補漏天
鵝鵲浮江散蟲沙傍岫隕民爭噉障水國豈近無雷軒
冕泥塗辱垣墉孔竇開婆娑自生意濕霧暗庭槐

五月十五日邀蔣稻鄉胡晝堂周雪吟

鳳章

顧健

吾銀吳雲帆同年姚百村續紅棉吟社於東山講

院

花神約雖違山靈盟堪續天海浮清涼雨風解煩溽蒼

姬三髯松

蔣稻翁周雪髯吳雲翁
系同出自姬皆美髯

翠嬌雨瘠竹

胡畫堂
姚百村

系同出自姬
體修而羸

微吟集虛堂宴坐響空谷彥先

健

吾古吳俊

風流踵前躅揮扇對師朋行炙念厨僕同爲永日歡各

話流年速紅棉鬱壯心於世傲朱綠雕欄富貴花媿此

瘴鄉木風來聖之清暑去吏非酷遽憐美蔭佳羣坐作

社福暑移當午停節近抵庚伏擬鋪黃琉璃來捉紅蝙蝠

初伏日復邀畫堂健吾百村小集種龍養鳳之窠

疊前韻一首

暖老計已疎養生篇可續伏愁居處淫暑戒飲食溽紅
艷漫破瓜青尖且饌竹橫陳任枕席裸飲自壑谷斗室
容蝸旋升斗牘牛躅忽思素心友急遣蒼頭僕造酒不
可生蒸狔毋欲速漿盛蕩殼紅糝裹荷衣綠迎涼得異
草擇蔭托陰木設筵悅味苦蕪檀忌香酷周妻付淨綠
何肉累薄福相看畦町泯豈識機械伏捕蟬忌螳螂食
齋喜蝙蝠

晝堂邀食水角同健吾百材旣飽成長句一首

惡醉強扶頭

時方
早食

美名曰軟脚綠陰靜冰牙

同衛

素羹包

水角牒子同帳開厨丁隔院捉薄薄皮可捻碎碎肉且
斫鈍看十指忙快供一口嚼舉案亦歡娛廢箸轉蕭索
寬焦東土橫薄脆南風弱誰能蒸饌饌爾乃油傳飪血
膏鴨糊塗毛淨雞膈膊和腸比和事負腹不負約實心
餽已消益智粽愁縛仍然五侯鯖支彼三公閣恂恂姚
武功翩翩顧文學詩方食肉嘲字爲藏筋作客徒肆謗
譏主且資諧謔耳嫌扁食多竅毋餽飽鑿

六月初一日爲玉兒生辰感賦一首

月朔荷花現兒從此日生佛緣重過去老淚尚縱橫露
電今何夕芙蓉舊有城人間無限事地下若爲情

六月六日節大暑值鬼宿諺所云鬼打節也果有
颶應之成詩一首

大暑六月初時值鬼打節狂龍出風洞摧拉勢莫遏炎
官張繖來燄消氣早奪甲士執冰卧陰威惟股栗濱海
有老漁匿笑請其說沈郎駭颶颶韓公震颶颶是皆生
北地尙未悉南粵颶颶風信風母等蟲蠻狂奔仗馬
銜挺走逐旱魃浪浪颶颶翻波爲白蝦歇蟻蛄昨放洋
森起非倉猝爛甚颶破布鬱熱久蒸結爾時有震雷鹹
頭敢猖獗焚輪火颶騰破帆海沙闊怪形始如虹憤氣
終必雪兩日勢尚猛三日力應竭七日定太平箕亦捲

其舌

遣夏雜詩

仕服仍儒服藏山算出山
袍斥嘲吏隱蝴蝶戲官閒
夔鼓新開面皐比舊抗顏
昌黎著師說羣笑任癡頑
自署黎祁長常懷食肉慙
起官纓水北當箸祭淮南
幸免因人熱猶能說上日
齋厨豐育藉時復一樽酣

炎日紅三伏涼雲一
圍榕肥任根淺荷壯儘花稀
盆育嫩隅樂籠閑格
空飛信天翁且飽吾亦久忘饑
節已黃梅過時方碧
私重風簾黏鶴毳雨砌綴狐茸
襍穢談消夏寒號誰禦冬
北窗同一笑尚有竹龍鍾

聞蔚林同年訃哭成四首

猿鶴沙蟲外

時省被夷

天何限哲人舌猶煩木鐸耳乃

厭金鐸有道原無幾多情詎寡親生平微踐履端不忝

明倫

當日恩州路殷勤助振裝

余乙酉北上時由省赴恩州省外祖墓蔚林分俸十金米

數石俸錢充達棗齋米載輕航一醉從分手經時尚結

腸參商不相見十有五年強

兩度

巳亥庚子

羊城晤清歡倍勝前青氍子孫業白首弟兄

綠小榭看花易寒齋煮芋便那堪話重聚猶訂兔兒年

相約癸卯

送科再晤

君死應無憾吾生待若何眼中朋舊少天下甲兵多蕭
械葭霜什淒涼薤露歌盡惜方論定留碣重山阿

輓李燕軒太守

江水西流繞鳳皇似聞嗚咽泣黃堂二千石始償京宦

三百旬終隄瘴鄉

守位鄉郡南一卒

儘有達官盼羣季

太守諸弟

皆官清要依然寒士委誰憐難禁此日山陽慟豪飲回頭卅

載強

九日同畫堂官村東山登高集飲景賢樓有懷雨
生弟

愁裏烽煙不可言漫開倦眼望川原鶴猿騰笑彌山隴

雞犬平安幾海村尚有菊萸尋舊社且同蕉荔潔新樽

潮俗以九日爲
昌黎伯誕辰

窑臺一客登高望

雨生近奉
提督兩窑廠

命醉後

應來入夢魂

小恙數日晝堂治酒肴爲余起病自榕瓢返學舍
漏二下矣涼飈動林月明如晝用晝堂秋分病中
作成一律呈謝

長風四捲絕纖雲蕭槭聲中木葉紛烏鵲夢初回一匝
兔蟾影已瘦二分儒酸廊落衰翁帽妾穉規裁大婦裙
小病相憐君獨擎一杯纔進有餘醺

展重陽日邀鄭石楸明經暨同學諸子西舍小集

節過重九又經時尚暇年光與醉宜
蠻菊宕秋圖展限
旱苗拒雨怨愆期人情愛好猶觴豆
天道難知付斗箕
與我周旋任狂狷不妨酣飲更酣嬉

聞浙中警報晝堂設素食於榕瓢銜盃相對感成
一首用前韻

焚輪風旋礮車雲鵝鸛聲從島岸紛
家國事難曾逆料
海天愁濶總平分空憐敗鼓皆鼙冒
且饌冬瓜當鼈裙
苜蓿已教慚素食不應肉食尚醺醺

雨中至榕瓢晝堂設餅小酌卽事

宦味寒於出水芹客愁黯似入山雲
年華且向盃中過

風雨偏從海上聞，責到逃奴同負國。
教成剗匠孰能，湖陽人高忠業刻攬核作羅漢最精工近畫堂教之刻錫器絕佳眼前說餅從消遣。
是無慘當惜分。

十月六日及門諸子東山講院雨集卽事

重陽節過纔風雨，冒雨遊山意可嘉。
薄雲盤餐魚貫柳，寒香庭院蝶依花。
干戈未敢談時局，樽俎猶堪老歲華。
眼底漁舟尚安業，祇愁鳬雁水爲家。

冬日雜成

作宦心懷劣爲師，道藝疎人情欺齒。
髮士行步步牙間，禮聊徵典故談兵漫檢書往來誰脫牖。
空有海濱。

羣以儒爲戲卑之道不尊尊空留虎豹察已乃驚落十
室寧非邑三家自有村酸寒本學究何用恤人言

客難看話帖鄰言盡勃溪齋還修作馬廉日不如爲白
分榜終散何因柳更稊老夫近忘醜塗抹任東西

治事齋虛設冬春兩坐衙

錄印開印

階寒風假草井端雨洗

花月課期多曠年儀禮有加佐邑儒來學未敢要知又
氣向金銀冷思從土木興自錢幣孔僅一飯亦何曾大
善羞爭骨僅馴馴脂磨土盡春可買人說者如冰

霜菊盆罍對外梅棉扇開座因巡酒設雨爲護詩來熱
而茶分長寒金了獨輕束脩下是門下始多健

天下非無馬人中亦有龍秦泉肥苜蓿越劍淬芙蓉痛
飲撾晨鼓狂吟答夜鐘磊寄幾棱石相伴歲寒松

寰海方多故難言守四夷久叨五斗給敢謂一官卑我
鶴猶堪使人犧已憚爲太平年鼓近且喜免登陴

姚蓮第

鼎利

以菊花六盆相餉賦詩酬之

翦玉裁金盡雅材風簾煙徑一時開老夫束帶君知否
餉菊賢於載酒來

一丈人來詢甲子

甫從明倫堂
移來一石

六君子進譜庚寅離騷

合匹瑕邱傳古澤寒香共下帷

漫成

年時三徑未應蕪猶戀微官作腐儒
小草在山多自負菊花有德不吾孤
避人仕宦思完璞垂老心情肯破觚
濁酒可斟詩可和無多朋輩且招呼

食色何嘗本分加儒宮一畝比農家
入官始種公孫橘有妾方栽姊妹花
疏傳田園疑老悖齊奴車騎信豪奢
烹龍瀹鳳晨興事消得甕甌幾葉茶

雨晦風瀟乍釀寒細聽衙鼓漸更闌
奴慵狗敢耽高卧鼠恣貓應媿素餐
五夜尚多人說夢一隅幸少賊探丸
哀笳酸角何州府到枕潮聲攪海寬

見說商船入港遲更無天險限華夷
名公南海方釐直

謝傅東山自賭碁龍虎一時分
蕩節卉皮十島冒花旗
滄溟何日烽煙淨忍聽
斷閩痛旣移

障海迴川不在人御風蓬葉汎無垠
九州已徧芙蓉劫
一飯仍爭苜蓿春雁字斜行書手版
鹿皮舊製整頭巾
若爲天下將安用只合田間長秀民

穫稻時光午放晴梅檐乾鵲有歡聲
且從儉歲祈無害
待過餘年享太平酌斗介眉杓漸轉
鑿山瘞齒柳將成
近擬瘞齒石巖
老生倘有長生福留向人間說老彭

適讀韓昌黎畫記畫堂走僕以觀演
春燈謎劇畫
索題戲仿韓文爲長句應之

十月望日向曛昌黎畫記何通神我讀始罷詫奇文
耳邊剝啄誰扣門手持畫卷將命云主人求詩致殷勤
展視非煙亦非雲摩肩蹣跚人擠人目如有視耳有聞
熙熙環集春臺春臺中人乃學呈身自其實出幾脫禪
此時紗帽慙方巾傭保雖雜男女分茶棚坐者圖息筋
柳岸歸者翁呼孫渡夫回頭據船脣子臺坐者俱釵鬋
離而立者媼或貧拱而揖者丈或親臨流濯足或農民
有畝在篋魚在盆淡巴菰辣黠黠昏清明時節同紛紛
餽饌手托擔餛飩扇笠傘杖點綴頻百十一人狀逼真
誰其寫者爲海塵趙君

昌黎畫記爲
趙侍御摹本

毋乃堪比倫韓文

歷落工鋪陳讀者久當筆硯焚詩成一笑聊效顰東方
月出燈如銀

感事

老馬將鄰朽封狼敢肆貪體禁壹中外財易竭東南
宵旰何時釋流亡已不堪書生持正論甌竟駕清談
內地遭痛毒何人致太平不應瞋日子頻見辱 天潢
參肉爭思食期心割與誰無此遠追咎且辦戮狂鯨
窮陰久雨庭前月 花不絕爲賦一首

弱質女郎似天寒有力持防身正多刺絕世詎無姿小
草人誰重常花汝自奇牆頭弄 露華時復下低枝

一粟吟館消塞第一集分詠七絕四首

列屋閑居粉黛施可知蓬首有流離祇應坐閣張京兆
枹鼓稀鳴許畫眉

張敞畫眉

生平誤信贛三挑任達何能代解嘲較勝矯情聽展折
別饒狂態注梭拋

謝鯤折齒

位至三公豈偶然河中冰鯉幻龍淵在腰脫贈談何易
吳札還當遜呂虔

王祥

也知不作宋齊邱豈向爐邊對畫籌自是開元真宰相
梅枝無礙曲蟠蚪

宋璟賜餅

種龍養鳳之窠消塞第二集分詠五律二首

納琴

補天無此具聊復綴風雷
鬼手幾時斷神僧殊未來
放聲絃久病焦劫木多灰
且看媧黃納湘囊共剪裁

烘硯

炙手謗能熱居然向石交
肝腸原自冷頭腦莫相嘲
緩化冰炭融融看漆膠
心紅眼青白鸚鵡暖同巢

功夫茶消寒第三集什

潮人嗜茶器具精細手自烹
瀾名曰功夫茶

維粵有潮茶與區武東所產
負以趨重價購得分兩銖
紙封籜裹絨紗幅客來品
茶慎勿羸鄭重出之誇功夫

瓦盆柯杵非所須白泥之爐光澤膚綴以綠字摹以朱
急簫銚沸聲鳴鳴蟹眼魚眼湯珍珠饒州花瓷貯水盃
器弗尚甌盃則需覆杯在盃共盤盃千金諦听矜一壺
圓如朱橘丹砂塗藉樓作薦盤作瓊燭盞古訣今不殊
沸水灌頂森醍醐雲花雲葉腴不枯活水活火信不誣
杯僅一啜甘不渝玉川七椀啜渴胡潮與閩南好尙符
帶牛佩犢俗久汙獨於品茶工細娛細膩有若親閨姝
功夫功夫防睡無銅鑪汲水煎優美

蓮第以折枝梅花見贈賦答二十四字

晚菊纔過又早梅東坡所記此費多材諱賢忘却人休怪

曾幾海棠詩少陵忘却渾
閒事更有離騷忘却梅
為替門生立雪來

歲暮松石至潮陽相訪頻行擬倩人作鐵石梅花

圖屬老鐵賦詩

鑄錯已空六州鐵補天尚待五色石梅花檐角不復笑
石縱能言鐵難熱天陰海黥誰斂門襍被籠燈疑夢魂
忍飢一日凍兩日急呼煮粥湯先溫石腸一沃冰雪化
剪燭開談到深夜鐵心已似地爐灰幾日東風桃杏嫁
松石有北
上之想
梅花梅花識得無是鐵是石皆頑徒無有是
處亦無漏長老沙彌德不孤

臘月十九日健吾邀同人集榕飄拜東坡翁生辰

歡讌竟日爲賦長句以紀

我生爲口腹荷公數醉飽自從鴻雪齋

嘉慶己卯家在巷侍御招同人

集鴻雪齋拜公生日

南飛望鴻爪後來小木天笠屐現林表衣冠

拜堂下幾輩詩孫小公當戰詩祖小子皆有造

道光戊子家霽

青太守招同人拜笠屐像於小木天館

邇來宦潮陽菜根亦可敲榕瓢胡道

士齋厨我常擾每值公誕辰辦香同拜禱拜已笑留客

飯脩毳與晶今年顧子敦肉案列腥橐爲公慶生朝折

柬召同好數見恐不鮮斗室躬灑埽設醴滿長官治具

張吉老知公素不飲此酒客能了自辰直至酉酣嬉盡

傾倒觴政集公句公客復不少三十九賢人方外雜黎

媼健吾及晝堂百村共集公詩句爲酒籌六十余取公賓友弟子方外老媼三十九人爲之共足成九十九籌
是皆藉公傳千古稱壽考吾儕百年中正恐腐同草酒
須儲桑菊詩望富梨棗大福未可期微名亦爲寶公如
憐其愚游戲示音兆觴政拈酒籌皆暗合風趣此間歲寒堂花事得
春早仙佛自多情士女皆不佻像前供水仙佛小子盡
狂狷未晚或聞道旣醉歌太平鼓腹共食麋將圖後會
常未覺前塵杳

消寒第四集詠水仙佛桑蜜梅寒桂同尖義韻

檀盒炷心字冰絃停指尖憐卿裁道帔伴我鑄硃奩時屈
封
象裴几玉堂靜氍毹帷金屋嚴芳馨知竟體微嗅不傷廉

水仙

松檜水羅漢樓欄山夜叉
薊來鬼國樹飯作佛門花
九土貢園繭十方瞻海霞
燒空出紅焰豈復棘牆遮

佛桑

蝶粉幾曾傳蜂脾彌復甜
官沾溫酒熟僧屢凍雲黏
艷雅意濃至韻高香謹嚴
南隣思結子酸已逗眉尖

蜜梅

寒山蜷此樹瑟縮笑饑鴉
大藥菌能熱小春薑亦芽
冬心向樵爨直性比蓬麻
且自參金粟休來倚玉叉

寒桂